





名受

即紂也
曰受享

元年己亥王即位居殷命九侯周侯邳侯

周侯爲
西伯昌

三年有雀生鸛

四年大蒐於黎

作炮烙之刑

五年夏築南單之臺

雨土於亳

六年西伯初禱於畢

九年王師伐有蘓獲妲己以歸

作瓊室立玉門

十年夏六月王畋於西郊

十七年西伯伐耆。冬王遊於淇。

二十一年春正月諸侯朝周。伯夷叔齊自孤竹歸。

於周。

二十二年冬大蒐於渭。

二十三年因西伯於羗里。

二十九年釋西伯。諸侯逆西伯歸於程。

三十年春三月西伯率諸侯入貢。

三十一年西伯治兵於畢。得呂尚以爲師。

三十二年五星聚於房有赤鳥集於周社

密人侵阮西伯帥師伐密

三十三年密人降於周師遂遷於程王錫命西伯

得專征伐

約按文王受命九年大統未集蓋得專征伐受命
自此年始

三十四年周師取耆及邠遂伐崇七人降冬十二

月昆夷侵周

三十五年周大饑西伯自程遷於豐

三十六年春正月諸侯朝於周遂伐昆夷西伯使

世子發營鐫

三十七年周作辟雍

三十九年大夫辛甲出奔周

四十年周作靈臺王使膠鬲獻於周

四十一年春三月西伯昌薨周文王塋畢乙酉於豐三十里

四十二年周武王元年西伯發受丹書於呂尚有女子

化爲丈夫

四十三年春大閱 嶢山崩

四十四年西伯發伐黎

四十七年內史白摯出奔周

四十八年夷羊見 二日並出

五十一年冬十一月戊子周師渡盟津而還 王曰

箕子殺王子比干微子出奔

五十二年庚寅周始伐殷 秋周師次於鮮原 冬

十有二月周師有事於上帝庸蜀羌髳微盧彭濮從

周師伐殷

伐殷至刑丘更
名刑丘曰懷

湯滅夏以至於受二十九王用歲四百九十六年

起癸亥

終戊寅

周武王

名發初高辛氏之世妃曰姜嫄助祭郊禘見大人
迹履之當時歆如有人道感已遂有身而生男以
為不祥棄之阨巷羊牛避而不踐又送之山林之

中會伐林者。又取而置寒冰上。大鳥以一翼籍覆之。姜嫄以爲異。乃收養焉。名之曰棄。枝頤有異相。長爲堯稷官。有功於民。后稷之孫曰公劉。有德諸侯。皆以天子之禮待之。初黃帝之世。讖言曰。西北爲王。期在甲子。昌制命。發行誅。旦行道。及公劉之後。十三世而王。季歷。季歷之十年。飛龍盈於殷之牧野。此蓋聖人在下位。將起之符也。季歷之妃曰太任。夢長人感已。溶於豕牢而生昌。是爲周文王。

龍顏虎肩。身長十尺。胸有四乳。大王曰。吾世當有
興者。其在昌乎。季歷之兄曰太伯。知天命在昌。適
越。終身不反。弟仲雍從之。故季歷為嗣。以及昌。昌
為西伯。作邑於豐。文王之妃曰太妣。夢商庭生棘。
太子發植梓樹於闕間。化為松栢。楫杵以告文王。
文王幣率羣臣與發。並拜告夢。季秋之甲子。赤爵
銜書及豐。置於昌戶。昌拜稽首受其文。要曰。姬昌。
蒼帝子。亡殷者紂王。將畋。史編卜之曰。將大獲。非

熊非羆。天遣大師以佐昌。臣太祖史疇為禹卜。畋
得臯陶其兆類。此至於磻溪之水。呂尚釣於涯。王
下趨拜曰。望公七年乃今見光景於斯。尚立變名
答曰。望釣得玉璜。其文要曰。姬受命昌。未提撰爾。
洛鈴報在齊。尚出遊。見赤人自洛出。授尚書。命曰。
召佐昌者。子文王夢日月著其身。又驚鷺鳴於岐
山。孟春六旬。五緯聚房。後有鳳凰銜書。遊文王之
都。書又曰。殷帝無道。虐亂天下。星命已移。不得復

鍾惺曰類
有証者開
後世奸雄
應命之惡

久。靈祇遠離。百神吹去。五星聚房。昭理四海。文王
既沒。太子發代立。是為武王。武王駢齒望羊。將伐
紂。至於孟津。八百諸侯不期而會。咸曰。紂可伐矣。
武王不從。及紂殺比干。囚箕子。微子去之。乃伐紂。
渡孟津中流。白魚躍入王舟。王俯取魚。長三尺。目
下有赤文成字。言紂可伐。王寫以世字。魚文消。燔
魚以告天。有火自天。止於王屋。流為赤鳥。銜穀
焉。穀者紀后稷之德。火者燔魚以告天。天火流下。

應以告也。遂東伐紂。勝於牧野。兵不血刃。而天下
歸之。乃封呂尚於齊。周德既隆。草木茂盛。蒿堪為
宮室。因名蒿室。既有天下。遂都於鎬。

十二年辛卯。王率西夷諸侯伐殷。敗之於毋野。王親
禽受於南單之臺。遂分天之明。立受子祿。父是為武
庚。夏四月。王歸於豐。饗於太廟。命監殷。遂狩於管。
作大武樂。

十三年。巢伯來賓。薦殷於太廟。遂大封諸侯。秋。

大有年。

十四年王有疾周文公禱於壇墠作金縢。

十五年肅慎氏來賓。初狩方岳詰於涿邑。冬遷。

九鼎於洛。

十六年箕子來朝。秋王師滅蒲姑。

十七年命王世子誦於東宮。冬十有二月王陟年。

五十四。

成王。

名誦

元年丁酉春正月王即位命冢宰周文公總百官

庚午周公誥諸侯於皇門夏六月塋武王於畢

秋王加元服武庚以殷叛周文公出居於東

二年奄人徐人及淮夷入於邾以叛秋大雷電以

風王逆周文公於郊遂伐殷

三年王師滅殷殺武庚祿父遷殷民於衛遂伐奄滅

蒲姑姑與四國作亂故周文公伐之

四年春正月。初朝於廟。夏四月初。嘗麥。王師伐

淮夷。遂入奄。

五年春正月。王在奄。遷其君於蒲姑。夏五月。王至

自奄。遷殷民於洛邑。遂營成周。

六年。大蒐於岐陽。

七年。周公復政於王。春二月。王如豐。三月。召康

公如洛。度邑。甲子。周文公誥多士於成周。遂城東

都。王如東都。諸侯來朝。冬。王歸自東都。立高

圉廟

八年春正月王初蒞作親政命魯侯禽父齊侯伋

遷庶殷於魯作象舞冬十月王師滅唐遷其民

於杜

九年春正月有事於太廟初用勺肅慎氏來朝王

使榮伯錫肅慎氏命

十年王命唐叔虞爲侯越裳氏來朝周文公出

居於豐

鍾惺曰剪
桐一事竹
書不及不
知附會起

自何書

十一年春正月王如豐唐叔獻嘉禾王命唐叔歸

禾於周文公王命周平公治東都

約按周平公即君陳周公之子伯禽之弟

十二年王師燕師城韓王錫韓侯命

十三年王師會齊侯魯侯伐戎夏六月魯大禘於

周公廟

十四年秦師圍曲城克之冬洛邑告成

十八年春正月王如洛邑定鼎鳳凰見遂事之於

楊慎曰魯禘始此亦未嘗有天子之命故夫子深非之也

河

武王受成王少周公旦攝政七年制禮作樂神鳥
鳳凰見。蓂莢生乃與成王觀於河洛沈璧禮畢王
退俟。至於日昃榮光並出幕河青雲浮至青龍臨
壇銜玄甲之圖坐之而去禮於洛亦如之。玄龜青
龍蒼光止於壇背甲刻書赤文成字。周公援筆以
世文寫之。書成文消。龜隨甲而去。其言自周公訖
於秦漢盛衰之符。麒麟遊苑。鳳凰翔庭。成王援琴

而歌曰。鳳凰翔兮於紫庭。余何德兮以感靈。賴先
王兮恩澤。臻於胥樂兮民以寧。

十九年。王巡狩侯甸方岳。召康公從歸於宗周。遂正
百官。黜豐侯。

二十一年。除治豳。周文公薨於豐。

二十二年。葬周文公於畢。

二十四年。於越來賓。

二十五年。王大會諸侯於東都。四夷來賓。冬十月。

歸自東都。有事於太廟。

三十年。離戎來賓。

約按離戎。驪山之戎也。爲林氏所伐。告於成王。

三十三年。王遊於卷阿。召康公從。歸於宗周。命王

世子釗如房。逆女房伯祈歸於宗周。

三十四年。雨金於咸陽。

約按咸陽。天雨金。三年。國有大喪。

三十七年。夏四月乙丑。王陟。

康王

名釗

元年甲戌春正月王即位命冢宰召康公總百官諸侯朝於豐宮

三年定樂歌吉禘於先王申戒農官告於廟

六年齊太公薨

九年唐遷於晉作宮而美王使人讓之

十二年夏六月壬申王如豐錫畢公命秋毛懿公

薨

十六年。錫齊侯。改命。王南巡狩。至九江廬山。

十九年。魯侯會父薨。

二十一年。魯築茅闕門。

二十四年。召康公薨。

二十六年。秋九月己未。王陟。

昭王

名瑕

元年庚子春正月王即位復設象魏

六年王錫邠伯命冬十二月桃李華

十四年夏四月恒星不見秋七月魯人弑其君宰

十六年伐楚涉漢遇大兕

十九年春有星孛於紫微祭公辛伯從王伐楚天

大曠雉兔皆震喪六師於漢王陟

穆王

名滿

元年己未春正月王即位作昭宮命辛伯餘靡
冬十月築祫宮於南鄭

自武王至穆王享國百年穆王以下都於西鄭

六年春徐子誕來朝錫命爲伯

八年春北唐來賓獻一驪馬是生駮耳

九年築春宮

王所居有鄭宮春宮

十一年王命卿士祭公謀父

十二年毛公班共公利逢公固帥師從王伐犬戎

冬十月王北巡狩遂征大戎

十三年春祭公帥師從王西征次於陽紆秋七月

西戎來賓徐戎侵洛冬十月造父御王入於宗

周

十四年王帥楚子伐徐戎克之夏四月王畋於軍

丘五月作范宮秋九月翟人侵畢於蒐於萍

澤作虎牢

十五年春正月雷昆氏來賓作重壁臺冬王觀

於鹽澤

一作王章安邑
觀鹽池非是

十六年霍侯舊費

王命造父封於趙

十七年王西征昆侖見西王母其年西王母來朝

賓於昭宮

秋八月遷戎於太原

王北征行流沙千里積羽千里征犬戎取其五王

以東西征於青鳥所解

三危
山名

西征還履天下億有

九萬里

十八年春正月王居祗宮諸侯來朝

二十一年。祭文公薨。

二十四年。王命左史戎夫作記。

三十五年。荆人入徐。毛伯遷帥師敗荆人於涿。

三十七年。大起九師。東至於九江。架鼃鼃以爲梁。遂

伐起。至於紆。越荆人來貢。

三十九年。王會諸侯於塗山。

四十五年。魯侯潰薨。

五十一年。作呂刑。命甫侯於豐。

五十五年王陟於祗宮。

共王

名繁

元年甲寅春正月王即位。

四年王師滅密。

九年春正月丁亥王使內史良錫毛遷命。

十二年王陟。

懿王

名堅

元年丙寅春正月王即位天再旦於鄭

七年西戎侵鎬

十三年翟人侵岐

十五年王自宗周遷於槐里

十七年魯厲公擢薨

二十一年虢公帥師北伐犬戎敗逋

二十五年王陟

懿王之世興居無節號令不時挈壺氏不能共其
職諸侯於是攜德

孝王

名辟方

元年辛卯春正月王即位命申侯伐西戎

五年西戎來獻馬

七年冬大雨電江漢水

牛馬死是
年厲王生

八年初牧於汧渭

世德遺傳

竹書

四十九

九年王陟

夷王

名燮

元年庚子春正月王即位

二年蜀人呂人來獻瓊玉賓於河用介珪

三年王致諸侯烹齊哀公於鼎

六年王獵於杜林獲犀牛一以歸

七年虢公帥師伐太原之戎至於俞泉獲馬千匹

冬雨雹大如礪。楚子熊渠伐庸，至於郢。

八年，王有疾，諸侯祈於山川。王陟。

厲王

名胡

居彘有汾水焉
故又曰汾王

元年，戊申春正月，王即位，作夷宮，命卿士蒙夷公落。
楚人來獻龜貝。

三年，淮夷侵洛，王命虢公長父伐之，不克。齊獻公
山薨。

六年楚子延卒

八年初監謗蒯伯良夫戒百官於朝

十一年西戎入於犬丘

十二年王亡奔彘國人圍王宮執召穆公之子殺之

十三年王在彘共伯和攝行天子事

號曰共和

十四年獫狁侵宗周西鄙召穆公帥師追荊蠻至

於洛

十六年蔡武侯薨楚子勇卒

十九年曹夷伯薨

二十二年大旱 陳幽公薨

二十三年大旱 宋僖公薨

二十四年大旱 杞武公薨

二十五年大旱 楚子嚴卒

二十六年大旱 王陟於薳 周定公召穆公立太子靖
爲王共伯和歸其國 遂大雨

大旱既久 廬舍俱焚 會汾王崩 卜於太陽 兆曰厲

王爲崇。周公召公乃立太子靖。共和遂歸國。和有
至德。尊之。不喜廢之。不怒道。遙得志於共山之首。

宣王

名靖

元年甲戌春正月。王即位。周定公召穆公輔政。復

田賦。作戎車。燕惠侯薨。

二年。錫太師皇父。司馬休父命。魯慎公薨。曹公

子蘓弑其君幽伯彊。

三年王命大夫仲伐西戎。齊武公壽薨。

四年王命蹇父如韓。二侯來朝。

五年夏六月尹吉甫帥師伐玁狁。至於大原。秋八

月方叔帥師伐荊蠻。

六年召穆公帥師伐淮夷。王帥師伐徐。戎。皇父休

父從王伐徐。戎。次於淮。王歸自伐徐。錫召穆公命。

西戎殺秦仲。楚子霜卒。

七年王錫申侯命。王命樊侯仲山甫城齊。

八年初考室 魯武公來朝錫魯世子戲命

九年王會諸侯於東都遂守於甫

十二年魯武公薨 齊人弒其君厲公無忌立公子

赤

十五年衛釐侯薨 王錫虢文公命

十六年晉遷於絳

十八年蔡夷侯薨

二十一年魯公子伯御弒其君懿公戲

二十二年王錫王子多父命居洛

二十四年齊文公赤薨

二十五年大旱王禱於郊廟遂雨

二十七年宋惠公薨薨

二十八年楚子徇卒

二十九年初不藉于畝

三十年有兔舞於鎬京

三十二年王師伐魯殺伯御命孝公稱於夷宮 陳

僖公孝薨 有馬化為人

三十三年齊成公薨 王師伐太原之戎不克

三十七年有馬化為狐 燕僖侯卒 楚子鄂卒

三十八年王師及晉穆侯伐條戎奔戎王師敗逋

三十九年王師伐姜戎戰於千畝王師敗逋

四十年料民於太原 戎人滅姜邑 晉人敗北戎

於汾隰

四十一年王師敗於申

四十三年王殺大夫杜伯其子隰叔出奔晉 晉穆侯費生薨弟殤叔自立世子仇出奔

四十四年

晉殤叔元年丁巳

四十六年王陟

幽王

名涅

元年庚申春正月王即位 晉世子仇歸於晉殺殤叔晉人立仇是為文侯 王錫太師尹氏皇父命

二年

辛酉晉文公元年

涇渭洛竭

岐山崩

初增賦

晉

文侯同王子多父伐鄆克之乃居鄭父之丘是爲鄭

桓公

三年王嬖褒

如

冬大震電

四年秦人伐西戎

夏六月隕霜

陳夷公薨

五年王世子宜臼出奔申

皇父作都於向

六年王命伯士帥師伐六濟之戎王師敗逋西戎

滅蓋

冬十月辛卯朔日有食之

七年虢人滅焦

八年王錫司徒鄭伯多父命王立褒姒之子曰伯

服爲太子

九年申侯聘西戎及鄠

十年春王及諸侯盟於太室秋九月桃李實王

師伐申

十一年春正月日暈申人鄠人及大戎入宗周弑

王及鄭桓公大戎殺王子伯服執褒姒以歸申侯魯

不正于葬

侯許男鄭子立宜曰於申號公翰立王子余臣於攜

是爲攜王
二王並立

武王滅殷歲在庚寅二十四年歲在甲寅定鼎洛邑至幽王二百五十七年共二百八十一年自武王元年己卯至幽王庚午二百九十二年

平三名宜

東遷以後始紀晉事王即位皆不書

元年辛未王東徙洛邑錫文侯命晉侯會衛侯鄭伯

秦伯以師從王入於成周

二年秦作西時魯孝公薨賜秦晉以邠岐之田

三年齊人滅祝王錫司徒鄭伯命

四年燕頃侯卒鄭人滅虢

五年秦襄公帥師伐戎卒於師宋戴公薨

六年燕哀侯卒鄭遷於溱洧

七年楚子儀卒

八年鄭殺其大夫關其思

十年秦還於汧渭

十三年魏武公薨

十四年晉人滅韓

十八年秦文公大敗戎師於岐來歸岐東之田

二十一年晉文侯殺王子余臣於攜

二十三年宋武公卒

二十四年秦作陳寶祠

得此者王

按漢書郊祀志云文公獲若石於陳倉北坂城祠

之其神來若雄雉其聲殷殷云野雞夜鳴以一牢
祠之號曰陳寶

二十五年晉文侯薨秦初用族刑

二十六年丙申晉昭侯元年晉封其弟成師於曲沃

三十二年晉潘父弑其君昭侯納成師不克立昭侯
之子孝侯晉人殺潘父

三十三年癸卯晉侯元年楚人侵申

三十六年衛莊公卒王人戍申

四十年齊莊公卒。晉曲沃桓叔成師卒。子緡立。是

為莊伯。

自是晉侯在翼稱翼侯。

四十一年。

辛亥莊伯元年。

春大雨雪。

四十二年秋人伐翼。至於晉郊。宋襄公薨。魯惠

公使宰讓請郊廟之禮。王使史角如魯諭止之。

四十七年晉曲沃莊伯入翼弑孝侯。晉人逐之立孝

侯子郤是為鄂侯。

四十八年。

戊午晉鄂侯郤元年。

無雲而雷。

魯惠公卒。

四十九年

已未魯隱公元年春秋始此

魯隱公及邾莊公盟於姑

蔑

五十一年春二月乙巳日有食之

三月庚戌王陟

桓王

名林

元年壬戌十月莊伯以曲沃叛伐翼公子萬救翼荀叔軫追之至於家谷翼侯焚曲沃之禾而還翼侯伐曲沃大捷武公請成於翼至相而還

二年王使虢公伐晉之曲沃晉鄂侯卒曲沃莊伯復

史記卷四十五
晉世家
五十五
攻晉立鄂侯子光是為哀侯公子萬救翼荀叔軫追之至於家谷

三年甲子晉哀侯光元年

四年曲沃莊伯卒子稱立是為武公尚一軍

五年曲沃武公元年為人乘京荀人董伯皆叛曲沃

十一年晉小子侯元年曲沃獲晉哀侯晉人立哀侯子為小

子侯芮伯萬出奔魏萬之母逐萬

十二年王師秦師圍魏取芮伯萬而東之

十三年冬曲沃伯誘晉小子侯殺之晉曲沃滅荀以其地賜大夫原氏黯是為荀叔戎人逆為伯萬於郊十四年王命虢仲伐曲沃立晉哀侯弟緡於翼為晉侯

十五年

晉侯緡元年

十六年春滅翼

十九年鄭莊公卒

二十三年三月乙未王陟

春秋左傳

卷之四

宣公

莊王

名佗

元年乙酉曲沃尚一軍異於晉

六年五月葬桓公

十五年王陟

釐王

名胡齊

桓公伯始

元年庚子春齊桓公會諸侯於北杏以平宋亂

三年曲沃武公滅晉侯緡以寶獻王命武公以一軍爲晉侯

四年晉武公二十八年晉猶不與齊桓公之盟左傳註晉侯緡是年滅

五年晉武公卒子詭諸立為獻公王陟

惠王名聞

元年乙巳晉獻公元年晉獻公朝王如成周陽白兔舞

於市

二年王子頹亂王居於鄭人入王府多取玉玉化

為鉞射人

九年晉城降

春秋左傳

卷之六

晉世家

十六年晉獻公作二軍滅取以賜大夫趙夙滅魏以

賜大夫畢萬

晉滅於大夫趙
韓魏萌於此

十七年衛懿公及赤狄戰於洞澤

洞當
作洞

十九年晉獻公會虞師伐虢滅下陽虢公醢奔衛公

命瑕父呂甥邑於國都

二十五年春正月狄人伐晉王陟

襄王

元年庚午晉獻公卒立奚齊里克殺之及卓子立夷

晉

二年

辛未 晉惠公元年

晉殺里克

三年雨金於晉

七年秦伯涉河伐晉

十五年晉惠公卒子懷公圉立秦穆公帥師送公子重耳圉令狐桑泉曰衰皆降爲秦師狐毛與先軫禦秦至於廬柳乃謂秦穆公使公子繫來與師言次子郇盟於軍公子重耳涉自河曲

十六年

乙酉 晉文公元年

晉殺子圉

十七年 晉城荀

二十年 周襄王會諸侯於河陽

二十二年 齊師逐鄭太子齒奔城張南鄭

二十四年 晉文公卒

二十五年

甲子 晉襄公驪元年

三十年 洛絕於洶

三十一年 晉襄公卒

三十二年

辛丑晉靈公
夷皋元年

三十一年王陟

頃王

元年癸卯

六年彗星入北斗

王陟

匡王

元年己酉

六年王陟

晉靈公爲趙穿所殺趙盾使穿迎公子

黑醫於周立之

定王

元年乙卯

晉成公元年

六年晉成公與狄伐秦獲秦謀殺之絳市六日而蘓

七年晉成公卒於扈

八年

壬戌晉景公元年

十八年齊國佐來獻王磬紀公之甌

二十一年王陟

按此一奇事諸傳不載

簡王

元年丙子

五年晉景公卒

六年辛巳晉厲公元年

十三年晉厲公卒 楚共王會宋平公於湖陽

十四年巳丑晉悼公元年 王陟

靈王

元年庚寅

史記卷八

晉書

卷八

十四年晉悼公卒

十五年

甲辰晉平公无年

二十七年王陟

景王

元年丁巳

十三年春有星出婺女十月晉平公卒

十四年

庚午晉昭公无年

河水赤於龍門三_〇里_〇

十九年晉昭公卒冬十二月桃花花

二十年 晉頃王元年

二十五年 晉頃公平王室亂立敬王

敬王

元年 壬午

八年 晉頃公卒

九年 庚寅 晉定公元年

十四年 漢不見於天

二十六年 晉青虹見

史記卷四
二十八、洛絕於周

三十六、淇絕於舊衛

三十九、晉城頓丘

四十三、宋殺其大夫皇瑗於丹水之上。丹水壅不

流。

四十四、年王陟。

元王

元年丙寅。晉定公卒。

二年

晉出公
元年

四年於越滅吳

六年晉澮絕於梁丹水三日絕不流

七年齊人鄭人伐衛 王陟

貞定王

元年癸酉於越徙都瑯琊

四年十一月於越子勾踐卒是為莢執次鹿郢立

六年晉河絕於扈

七年晉荀瑶城南梁一本出公二十年

十年於越子鹿郢卒不壽立

十一年晉出奔齊

十二年河水赤三日荀瑶伐中山取窮魚之丘

十三年晉韓龐取秦武城

十六年晉出公二十二年

十七年晉出公薨乃立昭公之孫是為敬公

十八年己丑晉敬公元年

二十年於越子不壽見殺是為盲姑次朱勾立

二十二年楚滅蔡

二十四年楚滅杞

二十八年

晉敬公十一年

王陟

考王

元年

敬公十八年

魏文侯立

十年楚滅莒

十一年晉敬公卒

十二年

晉幽公
柳元年

魯悼公卒

十四年魯季孫會晉幽公於楚丘

十五年王陟

威烈王

元年丙辰

三年晉大旱地生鹽

五年晉丹水出反潔

六年晉大夫秦嬴賊幽公於高寢之上魏文侯立幽

公子止

七年

壬戌晉烈公元年

趙獻子城洹氏韓武子都平陽

八年趙城平邑

九年楚人伐我南鄙至於上洛

十一年田公子居思伐邯鄲圖平邑於越滅滕

十二年於越子朱勾伐邾以邾子鳩歸

十四年於越子朱勾卒子翳立

十六年齊田盼及邯鄲韓舉戰於平邑邯鄲之師敗

趙遂獲韓舉平邑新城

十七年魏文侯伐秦至鄭還築汾陰郃陽田悼子卒田布殺其大夫公孫三公孫三以廩丘叛於趙田布圍廩丘翟角趙孔肩韓氏救廩丘及田布戰於龍澤田師敗趙

十八年王命韓景子趙烈子及我師伐齊入長垣

二十三年王命晉卿魏氏趙氏韓氏爲諸侯

二十四年王陟

安王

元年庚辰

九年晉烈公卒子桓公立

韓非子作桓侯

十年己丑

晉元公頃元年

十五年魏文侯卒

在位五十年

大風晝昏

晉太子喜出

奔

十六年

乙未魏武侯擊元年

封公子緩

二十一年韓滅鄭哀侯入於鄭

二十三年於越遷於吳

二十六年王陟魏城洛陽及安邑王垣七月於

越太子諸咎弑其君翳十月越人殺諸咎越滑吳

人立孚錯枝為君

烈王

元年丙午魏公子緩如邯鄲以作難

邯鄲趙地名

於越

大夫寺區定越亂立初無余是為莽安

二年秦胡蘓帥師伐韓三將韓襄敗胡蘓於酸水

魏觴諸侯於范臺
晉桓公邑哀侯於鄭
韓山堅

賊其君哀侯

六年辛亥梁惠成王元年韓共侯趙成侯遷晉桓公於屯留以後

更無晉事趙成侯偃韓懿侯若伐我葵郟城

七年王陟我師伐趙圍蜀陽齊田壽帥師伐我

圍觀之降魏大天王錯出奔韓

顯王

元年癸丑鄭城邢丘自此韓攻鄭秦子向命為藍君

二年河水赤於龍門三日

三年公子景賈帥師伐鄭韓明戰於韓我師敗逋

四年夏四月甲寅徙邦於大梁王發達忌之數以

賜民於越寺區弟思弑其君莽安次無額立

五年雨碧於郢地忽長十丈有餘高尺半

六年我師伐邯鄲取列人我師伐邯鄲取肥

雨黍於齊

七年我與邯鄲

趙

榆次陽邑

王會鄭釐侯於巫沙

八年。入河水於圃田。又爲太溝。而引圃水。瑕陽人自秦導岷山青衣水來歸。

九年。秦師伐鄭。次於懷。城殷。

十年。楚師出河水。以水長垣之外。龍賈帥師築長

城於西邊。鄭取屯留尚子。

十一年。鄭釐侯使許息來致地。平丘戶牖首垣諸邑及鄭馳地。我取枳道。與鄭鹿王及鄭釐侯盟於巫沙。以釋它陽之圍。歸釐於鄭。

十二年魯恭侯宋桓侯衛成侯鄭釐侯來朝於越
子無頤卒是爲葵蠲卯次無疆立

十三年邯鄲成侯會燕成侯於安邑

十四年秦公孫壯伐鄭圍焦城不克秦公孫壯帥師
城上枳安陵山民邯鄲伐衛取漆富兵城之齊師
及燕戰於洵水齊師遁

十五年齊田期伐我東鄙戰於桂陽我師敗逋東
周與鄭高都鄭釐侯來朝中陽宋景鼓衛公孫倉

會師圍我襄陵

十六年王以韓師諸侯帥縣於襄陵齊侯使楚景

舍來求成

邯鄲之師敗我師於桂陵

秦伐韓閼與
惠成王使趙

師破之不
知是何年

十七年燕伐趙圍濁廩趙靈王及代人救濁廩敗燕

師於勺晉取玄武瀋澤

即雷澤
彖漁處

十八年齊築房公爲之成

十九年王如衛命公子南爲侯

二十年、

二十一年、魏股臣趙公孫襄伐燕、還取夏屋、城曲逆、

二十二年、壬寅、孫何侵楚人三戶、乳楚伐徐州、

二十三年、魏章帥師及鄭師伐楚、取上蔡、孫何取

潁陽、秦孝公會諸侯於逢澤、絳中地塿西絕於

汾、

二十四年、魏敗韓馬陵、

二十五年、

二十六年穰疵帥師及鄭孔夜戰於梁赫鄭師敗遁
與齊田盼戰於馬陵

二十七年五月齊盼及宋人伐我東鄙圍平陽

九月秦衛鞅伐我西鄙十月邯鄲伐我北鄙王

攻衛鞅我師敗遁

二十八年城濟陽秦封衛鞅於鄆改名曰尚

二十九年邳遷於薛三月爲大溝於北郭以行圃

田之水

三十年

三十一年、秦、蘇、胡帥師伐鄭、韓、襄敗秦、蘇、胡於酸水

不知何年附此

三十二年

三十三年、鄭威侯與邯鄲圍襄陵

三十四年、魏惠成王、三十六年、改元稱一年、王與

諸侯會於徐州、於越子無疆伐楚

三十五年、楚吾得帥師及秦伐鄭、圍綸氏

不知何年附此

三十六年。楚圍齊於徐州。遂伐於越。殺無彊。

三十七年

三十八年。龍賈及秦師戰於雕陰。我師敗逋。王會

鄭威侯於巫沙。

三十九年。秦取我汾陰皮氏。

四十年

四十一年。秦歸我焦曲沃。

四十二年。九鼎淪泗。沒於淵。

四十二年

四十三年

四十四年
楚敗我襄陵

四十五年

四十六年

四十七年
王陟

慎靚王

元年辛丑
秦取我曲沃平周

二年魏惠成王薨

三年今王元年

四年

五年

六年鄭侯使韓辰歸晉陽及向二月城陽向更名

陽為河雍向為高平

隱王

史記作赧王名延
蓋赧隱聲相近

元年丁未十月鄭宣王來朝梁燕子之殺公子平不

克齊師殺子之醢其身

二年齊地景長二丈餘高一尺
魏以張儀為相

三年韓明帥師伐襄立
秦王來見於蒲坂關
四

月越王使公師隅來獻舟三百箭五百萬及犀角象

張儀一人
周秦關係

歲五月張儀卒

四年翟章伐衛
魏敗趙將韓舉

五年洛八成周山水大出

六年十月大霖雨疾風河水酸棗
楚庶章帥師來

會我次於襄丘

七年翟章救鄭次於南屈

此年未的

八年秦公孫爰帥師伐我皮氏翟章帥師救皮氏圍

疾西風

九年城皮氏

十年

十一年

十二年秦拔我蒲坂晉陽封谷

史記卷一百一十五
七十五
十三年邯鄲命吏大夫奴遷於九原將軍大夫適子
代史皆貂服

十四年

十五年薛侯來會王於答其楚人雍氏楚人敗
十六年王與齊王會於韓今王終二十年

竹書終

